

Date – 08/04/2026

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Union Minister of State for Jal Shakti, Dr. Raj Bushan Choudhary chuan zan khat riakin Saitual District a tlawh .
2. Mizo, Infiamna lama an mahni kalna zawna khawvel hriat thama lang phak te chawimawina (Mizo Sports Hall of Fame) chu vawiin khan hawn a ni.
3. Keralam, Assam leh Puducherry Assembly inthlan naktuka neih turin inbuatsaihna peihfel a ni tawh
4. India chuan US leh Iran ten inkahhai a puang chu lawmawm atih thu a sawi



UNION MOS

Union Minister of State for Jal Shakti, Dr. Raj Bushan Choudhary chuan zan khat riakin Saitual District a tlawh a, vawiin khan sawrkar department hotute leh khawtlang hruaitute kawmin, Sihfaa khuaa Jal Jeevan Mission (JJM) scheme hnuai water reservoir sak te leh District Hospital te a tlawh bawk a ni.

Kan corr report ngaithla ang

Union Minister of State for Jal Shakti, Dr. Raj Bushan Choudhary a hian Saitual District-a sawrkar department hotute leh khawtlang hruaitute a kawm a, kalkhawmte chuan Union Minister of State hnenah an mamawhte leh an harsatna tawh te an thlen nghal a ni. Dr. Raj Bushan Choudhary chuan Saitual District-in kawng hrang hranga hma a lo sawn theihna tura pui turin a inhuam thu a sawi a, theih tawp a chhuah zel tur thu a sawi bawk. He thutkhawm hi District Bawrhsap Pu Srinivas Sadi an a kai hruai a.

Union Minister of State Dr Choudhary hian nimin khan Sihfa khuaa Jal Jeevan Mission hnuai tuizem sak mek a tlawh a, nimin khan District Hospital a tlawh bawk a ni.



BUNZUNG HALL OF FAME

Mizo, Infiamna lama an mahni kalna zawna khawvel hriat thama lang phak te chawimawina (Mizo Sports Hall of Fame) chu vawiin khan Bungzung khuaa Tlangphei an tih hmunah Sports & Youth Services Minister Pu Lalnginglova Hmar chuan a hawng.

Hemi hnu hian Bungzung Community Hall a vantlang inkhawmah thu sawiin Sports Minister chuan Kum 2036 a Indiain Olympic a thlen huna Mizo Infiammite an lan ve ngei theihna tura sawrkar hmalakna te sawifiahin Infiammi dam lai leh boral tawh, khawvel in a hriat phakte chawimawina hlan nchang an hria chu lawmawm a tih thu a sawi.

He hunah hian khualzahawm, Pu Ramthanmawia, East Tupui bialtu MLA bakah chawimawina dawngtu Infiammi engemawzat in thu an sawi bakah chawimawi an nih chhante sawifiah a ni a, chung mi, Hall of Famea an Lim an dahte chu..

Football khelmi atangin

K.Kawla (L)
Jeje Lalpekhlua,
F.Malsawmtluanga

Hockey Player
Lalremsiami Hmar

Thal kap mi
Lalremsanga

Boxer
Zoramthanga(L)
leh
Ritchawi chak
Jeremy Lalrinnunga te an ni.

Mizo Sports Hall of Fame hi Bungzung khawtlang leh Bungzung Welfare Committee Aizawl te buatsaih a ni.



KOLASIB

Nizan dar 9 vel khan Kolasib Venglai East Silchar Road MIZOFED Petrol pumpah dan lova tuialhthei hralh tur Barrel a an hlang thla lai chu DCSO thupek in chhun let tir leh vek a ni.

Kolasib DCSO Pu Joseph Lalnuntluanga leh SDC Pu Isaak Malsawmtluanga ten MIZOFED Petrol Pump hi an tlawh a, Petrol pump chu an khar vek tawh hnu ah Light off vek in Truck pakhat in a phurh diesel dahna Barrel 36 ah Diesel unload tura ruahman a ni a, DCSO leh SDC ten a hmun an thlen hian Barrel 5 vel an lo tikhat hman tawh a, heng barrel 5 te hi chhun let tir leh vek a ni.

DCSO chuan hetiang hmalatute hi tawngka in ti tawh lo turin a hriattir a, thu leh a awm anih chuan an hna pawhin a tawrh tur thu a hrilh ani.

<><><>

AMC

Aizawl Municipal Corporation (AMC) Mayor hlui, Pu Lalrinenga Sailo chuan Chief Minister in Aizawl Municipal Corporation tan sum tam tak an nawr chhuak a, MNF AMC-ten Aizawl an lo vei lo hle a ni tih mipui hmaa a sawi duh chu thu dik hre reng chung a mipui bum tumna, koham taka AMC thuneihna an inpek thup tumna thil tha lo a ni a ti.

He thu hi vawiina Aizawl Press Club a thuthar thehdarhtute an kawmnaah sawiin, MNF General Hqrs. Adviser ni bawk Pu Lalrinenga Sailo chuan Khawpuia cheng mipuite tana AMC leh Lunglei Municipal Corporation (LMC) ten hna an thawhna tur sum Finance Commission ruahman fel vek tawh cheng Nuai 3,400 chuang zet chu ZPM sorkarin a ngaihthah vang liau liauin, central sorkar kutah a let leh vek a, hetiang taka Municipality ngaihthahtu leh hrek bettu ZPM hi AMC enkawltir tlak an ni lo a ti a. ZPM sorkar chuan anmahni sorkarna ngei, LMC-in Lunglei khawpuia cheng mipuite hmasawna hna a thawhna tur, Finance Commission 15-na in a ruahmansak, kum 2024-25 chhung atan cheng vbc 9 nuai 23 sing 1 & 2,000/- leh 2025-26 chhunga an hmuh tur cheng vbc 9 nuai 46 sing 8- a belhkhawmin cheng vbc 18 nuai 69 sing 9 & 2,000/- zet chu hman theih lova siamin, heng sumte hi central sorkarah a let (lapsed) vek a. LMC chuan MNF sorkar hunlai, 2023-24 chhunga an hmuh cheng vbc 6 nuai 35 sing 4 & 4,000/- bak Finance Commission sum pek hi an la dawng ve reng reng lo a, ZPM sorkar hnuaiah kum 2 chhung a zawnin an chhan tawh a ti a ni.

(BYTE)

Pu Rinenga chuan AMC in Finance Commission 15-na atanga a sum hmuh tur, AMC-a MNF sorkarin lehkha pawimawh zawng zawng engkim an chinfel vek pawh, ZPM sorkar chuan a tih ve tur, 'Grant Transfer Certificate' chu Ministry of Finance leh Ministry of Urban Affairs-ah te a huna a thawn loh avangin cheng vbc 15 nuai 26 sing 6 lai chu central sorkarah a let bawk a, LMC leh AMC ten khawpuia cheng mipuite tana hmasawna hna an thawhna tur sum ZPM sorkarin a tih lapse belhkhawm chu cheng vbc 33 nuai 96 sing 5 & 2,000/- lai a tling tih sawiin, hetiang taka anmahni sorkar siamna ngei LMC pawh ngaihthahtu leh AMC sum hmuh tur pawh Certificate pakhat lek thawn duh loh vang a ti lapse duhtu ZPM party chu khawpui enkawltir tlak an ni lova mipuiten an hnawl a tul tih a sawi a ni.

<><><>

LUNGLEI

Lunglei Civil Hospital tihchangtlun hna thawh mekah Lunglei a Endoscopy khawl thar chu vawiin khan Lunglei Municipal Corporation Vice Chairman Pu K.Lalrinawma leh MJA ten an en a,

Endoscopist Dr David Lalsangliana chuan khawl thar chu Health Minister Pi Lalrinpuii hmalakna a an dawn a nih thu sawiin he khawl thar hmanh hian damlo mamawh hrang hrang a tih theih anga, cancer natna a hmuhchhuah theih bawh ang a ti a. Cancer rinhlelh erawh biopsy la in Aizawl lamah a confirm nan thawn tur a nih thu a sawi. Khawl hlui hmanh hian Financial Year 2025-2026 chhung khan Bending 44 tih a ni a, biopsy 174 lak a ni a ti bawh.

(BYTE)

Kan corr sawi danin, Health Minister Pi Lalrinpuii hian MLA fund cheng nuai 2 hmanga Civil Hospital a Cancer natna vei te enkawl na a siam pawh damlo ten an hmanh tangkai a, khum awm zawng zawng an luahkhah bakah YMA thutthleng dawhchawp a khum siam a enkawl lai te pawh an awm a, heibakah hian Health Minister hmalakna vek a ICU khum 3 awm pawh luahkhah a ni.

Hetihlai vek hian Oxygen Plant, Pukpui a mi, hun rei tak chhia chu nizan khan siam that a ni tih Med Suptd Dr Laldinmawii chuan a sawi a, a chhiat lai khan Aizawl a mi Oxygen phurh a ni a, Truck trip khat cheng nuai 1 niin a hautak hle a, tunah chuan sum an save ve leh teuh dawn ta a ni a ti. Civil Hospital Complex a Oxygen siamna erawh kum 2023 June thla atang khan a la chhe reng thung a ni a ti.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

KHAWZAWL DRUGS, HIV/AIDS AWARENESS

Khawzawl District AIDS Prevention & Control Committee (DAPCC), District Nasha Mukta Bharat Abhiyan (NMBA) leh District Narco-Coordination Centre (NCORD) buatsaihin Khawzawl district chhunga kohhran hrang hrang hruaitute hnenah drugs leh HIV/AIDS chungchang inhrilhhriatna hun DC Conference Hall-ah neih a ni a. He hun hi Khawzawl Bawrsap Pu K. Vanlalthiana, DAPCC Chairman ni bawh chuan a kaihuai a ni.

DAPCC Chairman Pu K. Vanlalthiana chuan thusawiin, Khawzawl chu drugs leh HIV awm lohna hmuna siam tur chuan khawtlang leh kohhran nena thawhho a pawimawh thu a sawi.

Chief Medical Officer (CMO) Dr. Shahnaz M. Zothanzami chuan HIV hrik paia irinhllehna neite chuan in test ngeia, a vawikhatnaa test a negative pawhin in test nawn ngeia, HIV veite chu midang hnena kaichhawng lo tur khawpa an taksaa hrik a tlem nan ART ei that a pawimawh thu a sawi a. Mizoramah HIV veite zingah mipat hmeichhiatna avanga inkaichhawng an tam ber avangin HIV laka inven dan a sawi a. Kum 15-49 inkar, mihringin hna an thawh theih hunlai ber leh hmeichhiaten nau an pai theih hunlaia HIV an vei chuan anmahni chauh nilovin chhungkua, khawtlang leh ram thlengin a nghawng avangin HIV do kawngah tan kan lak nasat a ngaih thu a sawi.

Khawzawl Addl. SP Pu Zosangliana pawhin he hunah hian drugs hmansual leh a titute hriselna mai bakah chhungkua leh khawtlanga nghawng thalo a neihte sawina hun a hman a. Kum 1984 atangin October 2025 thleng khan Mizoramah drugs hmansual avanga thi mi 1,952 an awm tawh thu leh January - October 2025 chhung khan mi 73 thi an awm tawh thu a tarlang a. Zuk leh hmuam hi drugs kailawn a ni tih sawiin zuk leh hmuam lakah pawh kan filhlim a pawimawh thu a sawi a. Tun hnaiah Mizoram thalaite zingah ganja ti an tam thu tarlangin ruihhlo ngaite tan nghei a har tawh thin avangin ruihhlo laka fihlima tihchhin loh hi a that ber thu a sawi bawk.

Mizoram State Positive Network dintu Pi Lalruatfeli pawhin HIV lama a tawnhriatte sawiin, HIV veite chu an dinhmun zahpui tur an nih loh thu leh midang hnena hrik kaichhawng thei lo tur khawpa ART an ei that chuan kawppuite hnenah pawh hrik kaichhawng lovin chhungkua pawh an din theih thu a sawi a. Khawtlang leh kohhran hruaitute chu HIV veite leh ruihhlo ngaite tan pawha ban phaka an awm a pawimawh thu a sawi.



ELECTION

Keralam, Assam leh Puducherry Assembly inthlan naktuka neih turin inbuatsaihna peihfel a ni tawh. Puan tawh angin heng state leh UT ah te hian inthlan thawhkhata neih tur a ni a. Keralam ah Assembly bial 140, Assam ah 126 leh Puducherry ah bial 30 ah te vote thlak a ni dawn a. Inthlanna felfai leh thianghlim tak neih anih theih nan venhimna pawh khauh taka kalpui a ni.



US-IRAN

India chuan US leh Iran ten inkahhai a puang chu lawmawm atih thu a sawi. Thuchhuah siamin Union Ministry of External Affairs West Asia ah hun rei zawk remna a thlen ngei a beisei tih a tarlang a. Strait of Hormuz ah sumdawnna tuang takin a kal thei tawh dawn tih sawiin Idnia chuan buaina sosang zel tur tihdaih chu a duh ber anih thu a sawi a. Inbiakna leh indawrna tha tak neia a hma thei ang bera inngirngghona tihreh chu a thlawp tlat tih a sawi bawk a ni.

Puan tawh angina US leh Iran chuan kar hnih chhung inkahhai puan a Strait of Hormuz-a him taka lawng kal tlang tir an remti. US President Donald Trump-a chuan Strait of Hormuz-a him taka lawng a kal theih chuan kar hnih chhung US leh Iran inkahhai hi a pawm thu a sawi a. Social Media lamah he thu hi sawiin lehlam ve ve ten inkahhai hi an remtih a tul thu sawiin US chuan a thil tum a tihlawhtling tawh a, inepna boruak pawh chinfel a ni thei ang a ti bawk.

Hetihlai hian Iran Foreign Minister Abbas Araghchi chuan Iran beih chhonzawm anih tawh loh chuan Iran chuan inkahhai a remti a ti a. Kar hnih chhung inkahhai puan anih chuan Strait of Hormuz tuang takin a paltlang theih tawh dawn a ti a.

<><><>